

Regional News Unit AIR Aizawl
Thursday, January 22, 2026
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

- Chief Minister Pu Lalduhoma hovin Mizoram Pro - Active Governance & Timely Implementation (Mi-PRAGATI) meeting hmasa ber vawiin khan neih a ni.
- Chakma Autonomous District Council, CADC-ah ziak leh chhiar thiam awm zat, Literacy Rate tih chhuah tharah zaa 61.03 an awm.
- Sawrkar laipui chuan Small Industries Development bank of India hnenah chhawmdawlina sum cheng vaibelchhe sang 5 pek a remti.
- US President Donald Trump-a chuan sipai chakna hmanga Greenland lak a tum loh thu a sawi

<><><>

Mi-PRAGATI

Chief Minister Pu Lalduhoma hovin Mizoram Pro - Active Governance & Timely Implementation (Mi-PRAGATI) meeting hmasa ber nimin khan neih a ni a.

Mi-PRAGATI Member Secretary, Pu Khilli Ram Meena, Chief Secretary chuan PRAGATI chu state chhunga hmasawnna hnathawh lian te vil a, harsatna an tawhte chin fel dan dappuitu tur leh a tul anga department hrang hrang thawhhona tichak tura din a ni a. Mipuite tana rawngbawlina tam zawk, langtlang leh rang zawk kalpuina tur a ni, a ti.

He meetingah hian sorkar hmalak mek thlan chhuah bikte report ngaihthlak niin harsatna an tawh mekte chipchiar takin an sawi hova, a chin fel dan tur pawh an duang zel a ni.

He hunah hian Aizawl Western Side Bypass Road Hnathawk mek report an ngaithla a, an hna thawh meka harsatna awmte leh a chinfel dan tur te an sawi a.

Chief Minister chuan, Aizawl Western Side Bypass road laih meka leivung paih dan fel lo chu chak taka bawhzui turin a mawhphurtute a hrilh a. Mizoram hmun danga NHIDCL kawngpui laihah pawh chutiang bawkin leivung paihna a fel faiin dan ang thlapa kalpui zel a ni tur a ni, a ti.

Vairengte - Sairang 4 lane National Highways laih mek pawh sawi hovin, harsatna awm hrang hrangte tarlan a ni a. A bawhzui dan tur an rel a, Vairengte - Sairang inkar kawngpui awmsa, thawm thatna kalpui mek pawh NHIDCL lamin report an pe a. Chak taka hmalak a nih thu an tarlang.

Swadesh Darshan 2.0 hmanga Thingsulthliah Conference sak mek leh Unity Mall sak mek report pawh pek niin chak taka umzui zel a nih thu tarlan a ni.

Mi-PRAGATI hi nikum August thlaa din a ni a. Member te chu Principal Secretary, Secretary leh Deputy Commissioners te leh state chhunga central sorkar department / agency head te an ni.

<><><>

CHAMPHAI POLICE

Champhai Police te chuan Champhai district a Hnahlan- khuaa Assam Rifles Duty te atanga an thudawn bawhzuiin Hnahlan khaw daiah heroin hawng 187, Kg. 2.288 a rit International Market hralhnaa chhutin cheng vaibelchhe 4 hu an man.

Ruihhlo hi a tirah a neitu emaw a kengtute hmuh leh hriat a ni lova, Heroin an hmuhna hmuna Mobile Phone an chhar hmangin hnuchhui hna an thawk nghal a, phone an endik mek lai hian Bolero pakhat chu heroin an hmuhna hmunah hian chak takin a rawn tlan a, Police te chuan Bolero khalhtu chu phone a thlalak lang nen a inang tih an hre hman a, um zui nghal niin km 3 vel an um hnuah um phain, motor a chuang mi pahnih - Mohammed Morsur Barbhuiya kum 36, Hailakandi, Assam leh Umedh Raja Laskar kum 27, Silchar, Assam te chu an man nghal a, Champhai Police Stationah ND&PS Act. tlawhchhanin thubuai siamsak nghal an ni a, inhnamhnawih dang an awm leh awm loh chhuizui mek a ni.

Hetihlai hian Assam Rifles leh Champhai police tang dun chuan ni 17 dar 07:00 PM, khan Sahbawn dahna bawm 1 a thun heroin No.4 ni ngeia hriat chu truck atangin an man a, gram 174 cheng nuai 34man hu chu manin a neitua puh Rodingliana (52), Tuirial, Aizawl District leh Vansanga (35) Sairang, Aizawl District te chu manin thubuai siam sak nghal an ni.

Ni 18 zan 11:00 vel khan Champhai Police leh Assam Rifles tangdun chuan Champhai district a Ngur khuaaah Methamphetamine ni ngeia hriat mum 80,800 Kg.9 a rit kg an man a, an thil man hi cheng Vaibelchhe 1 chuang hu a chhut chhuah a ni a, ruihtheih thil an phurhna pickup leh a khalhtu Shah Ali (22) Karimganj, Assam, chu man a thubuai siam nghal a ni.

<><><>

FISHERIES MINISTER

Fisheries Minister Pu Lalthansanga'n Mizoram zaa 30 vel tal sangha-a chawm tum thei tura hma la turin Fisheries Department a thawktute a chah.

He thu hi nimina Fisheries Department hnuaia thawktute kumthar inhlantharna leh infuihtharna hun Directorate of Fisheries, MINECO-a a hmanpuinaah sawiin, Pu Lalthansanga chuan Fisheries Department in ZPM Sorkar hnuaiah hmasawwna hrang hrang an neih chu lawmawm atih thu sawiin Mizoram zaa 30 vel tal sangha a chawm tum thei tura hmala turin Fisheries Department a thawkte a chah a, thawktute chu tunlai thiamna thar hmang tangkai thiam tur leh inzir belh tura chahin Sangha ah Mizoram a intodelh theih nan a tan la zual turin thawk tute a fuih a, Fisheries Minister chuan thawktute chu an nitin eizawmna chu an rawngbawlna a ni tih hria a, taima taka thawk a, loneitute ngaihsak lehzual turin leh Kalphung thar Mipui sorkar a nih ang ngei a, mipui te ngaihsak leh zual a, rinawm taka an hna thawk turin a fuih bawk a ni.

Inhlantharna hun ah hian District hrang hrang a District Fisheries Development Officer te leh Fisheries Extention Officer te bakah Directorate leh Secretariat a thawktute an tel a, he hunah hian Fisheries Department hnathawh kal mek leh lo la awm tur te bakah, Fisheries Department hmasawna tur Project leh Scheme (CSS) hrang hrang te Powerpoint Presentation hmangin inzirtir a ni a, District hrang hrang a thawktute dinhmun leh hmasawna bakah staff indaihlohna avanga harsatnate tarlan a ni bawk a ni.

<><><>

CADC

Chakma Autonomous District Council, CADC-ah ziaak leh chhiar thiam awm zat, Literacy Rate chu zaa 61.03 a ni.

CADC-a Adult Education Department chuan nikum 2025 October thla atanga kumin January thla inkarah khan CADC huamchhunga Village Council 88-ah te ziaak leh chhiar awmzat zawna, literacy survey kimchang tak an nei a, he survey hi hlawm pahnihah then niin, naupang kum 7 atanga kum 14 inkar leh kum 15 chin chunglamah te then hran a ni a, he survey hna hi tualchhunga NGO aiawhte leh school hrang hrang Headmaster te thawhpaina hnuaiah neih a ni a, CADC pumpuia ziaak leh chhiar thiam awm zat, Literacy Rate chu zaa 61.03 a ni tih an hmuchhuak a ni.

He survey hi CADC Adult Education Department in CADC huamchhunga ziaak leh chhiar thiam awm zat zawna changtlung tak an neih hmasak ber a ni a, survey behchhan hian Adult Education Department chuan kum 2026 CADC Literacy Chart an buatsaih a, vawiin khan CADC Executive Secretary, Pu Pronit Bikash Chakma chuan Literacy Chart hi Kamalanagar-ah a tlangzarh a, survey bakah hian Adult Education Department chuan CADC huamchhunga khaw thlan bikah te mipuiten thiamna leh zirna ngaihpaawimawh nachang an hriat theih nan, ziaak leh chhiar chungchanga inhrilhhriatna, literacy awareness campaign an kalpui bawk a ni.

CADC Adult Education Department hi kum 1996 khan din a ni a, CADC huamchhunga ziaak leh chhiar leh zirna lam tih hmasawn hna an thawk thin a ni.

<><><>

MPCC PRESS CONFERENCE

Congress Party chuan ZPM sawrkar chuan tunhnai tualchhung inthlanah an chakloh avangin AMC inthlan a hun taka buatsaih an tumlo sa an ti.

Nimina thuthar thehdarhtute an kawmna ah Mizoram Pradesh Congress Committee Spokesperson Dr Lallianchhunga chuan ZPM Sawrkar chuan Dampa by-election an chak loh avang leh LADC inthlana pathumna an nih avangin AMC inthlan a hun taka neih an duhlo tih a sawi a. AMC term a ral hnu vekah buatsaih an tum chauh chu hriatthiam harsa an tih thu an sawi a, AMC inthlan buatsaih tura harsatna lian tham awm an hrelo tih sawiin term dinglai thiat a, AMC enkawltu tur Administrator ruat ngai hiala inthlanna tih khawtlai chu Democracy kalphung palzutna ah an ngai tih sawiin ZPM chuan tunhnai inthlan an chakloh avangin AMC inthlan chu an duh hrihlo nia an ngaih thu a sawi.

Dr Lallianchhunga chuan AMC inthlan buatsaihna tur leh AMC sorkar thar din a nih theihna atana tih tur tul ang ang chu SEC hian a peih vek tawh a ti a, AMC term kal mek chu kumin March ni 1 ah a tawp dawn avangin State Election Commission chuan hmeichhe ward tur chu nikum 2025 May ni 30 ah a tifel tawh tih sawiin AMC Final Electoral Roll pawh kumin Jan 7 khan tar chhuah a ni tawh a ti a,

inthlan tih khawtlaina chhan an sawi chu state sawrkar chinfel theih vek ani tih sawiin AMC inthlan a hun taka an buatsaih duhlo chu mipui zahlohna ani tih sawiin a rang lama inthlan buatsaih vat turin an phut tih a sawi.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

OIL PALM

Kolasib district Oilpalm Growers Association hruaitu ten nimin khan Saibual zau Oilpalm link road PCC Flooring tih mek a hmunah an enfiah.

Saibual zau hi Kolasib District a Oilpalm chinna Cluster pawimawhtak niin, Fur laiin kawng a that loh thin avangin an Oilpalm thiarchhuahna ah harsatna an tawk nasa thei hle a, chuvangin Agriculture Department hmalakna in RIDF NABARD loan sum hmangin PCC Flooring 2 km siam niin cheng nuai 93 senga siam a ni a, kumin February ni 20 a zawh tura ruahman ani.

Kolasib District Oilpalm Growers Association hruaitu ten an tlawh lai hian hna an thawk meka, an hna thawh a tha thawkhat ni a a lan lain a then laiah an lung hman te chu a thalo nia hriain, Lung tha hmang turin contractor chu an ngena, Hetianga Oilpalm zau panna kawng thatak mai sorkar hmalakna a siam ani hi Kolasib district Oilpalm Growers Association hruaitu te chu an lawm hle a ni. DAO Pu Joseph Lalnuntluanga'n Oilpalm hruaitu te hi a tawiawm a ni.

<><><>

SIDBI

Sawrkar laipui chuan Small Industries Development bank of India hnenah chhawmdawlina sum cheng vaibelchhe sang 5 pek a remti a. He hmalakna hian ramchhunga MSME nuai 25 sing 7 leh sang 4 te tan hamthatna a pe dawn a ni. Nimina Prime Minister Narendra Modia kaihhruaia Union Cabinet thukhawm chuan he thutlukna hi a siam a. Hei bakah hian Atal Pension Yojana chu kum 2030-31 thleng hman turin a pawtsei a. He scheme hi kum 2015 May thlaa bul tan niin unorganised sector lama inhlawhfate tan kum upat hnua pension an hmuh theihna tur a ni.

<><><>

PRAGATI

Prime Minister flagship programme Pro-Active Geovernance and Timely Implemetation,PRAGATI chuan mellung pawimawh tak phunin a tum 50 na inhmuhkhawm hlawhtling takin a nei. He programme hi PM Modian kum 2015 a bul a tan atangin sawrkar inrelbawlina leh hnathawh dana inthlak danglamna tam tak a thleng a. Sawrkar hnathawkte hna thawh dan chu a hunlai ngeia vil a ni a, Prime Minister hoa thlirletna hun hman thin niin hetah hian hmasawwna ruhrel pawimawh tak tak te pawm niin mipuiten lungawilohna an thlente pawh enfiah nghal a ni a thin a.

Kum 10 chhungin PRAGATI hian sawrkar thutlukna pawimawh tak takah nasa takin a pui a, hmasawnna hna thawh tihkhawtlai thinte chin fel niin sawrkar hnathawkte rintlak lehzuala siam an ni. PRAGATI hnuaia hlawhtling project zingah hain Andhra Pradesh-a AIIMS Mangalagiri hi a tel a. Ram acre 183.11a zauah khum 960 awm theihna turin he damdawiin hi ruahman a ni a. Sum sen tur pawh cheng vaibelchhe 1618.23 a ni a. Kumtin MBBS zirlai 125 lak theihna tur a ni bawk. Kum 2018 khan Government Siddhartha Medical College, Vijayawadka-ah campus lailawk siam a ni a. Hun engemawchen harsatna hrang hrang avanga project zawh hunah zawh theih anihloh avangin PRAGATI hnuaiah hmalak a ni a. Kum 2023 January ni 31 khan peih fel niin 2024 February ni 25 ah Prime Minister Modian ropui takin a hawng a ni.

<><><>

US PRESIDENT

US President Donald Trump-a chuan sipai chakna hmanga Greenland lak a tum loh thu a sawi a. Hetihruah hian Washington chuan Greenland neitu nihna hi ala beisei reng tih a sawi nawn.

Nimina Davos-a World Economic Forum ah thusawiin US President Trump-a chuan Greenland an neih theihna tur hian inbiakna neih thuai a duh thu a sawi a ni. Greenland hi US thawhpui Denmark hnuaiah mahniah inrelbawl semi-autonomous ram a ni a. Hei bakah hian US leh Denmark hi ram 32 awmna North America leh Europe ramten an din sipai tangrual pawl NATO member an ni bawk a ni.

<><><>